



City of Grand Rapids, Michigan

OFFICE OF THE MAYOR

ROSALYNN C. BLISS
MAYOR

Salamu kwa marafiki na majirani. Sote tunapitia muda wa wasiwasi usiotabirika na ulio na changamoto ambaao ni wa kipekee kwenye historia yetu – kienyeji na kitaifa. Habari na mafahamisho yanakuja kwa upesi kuliko vile tunavyoweza kuyashughulikia, na kila mmoja wetu anaathiriwa kwa njia fulani. Kila tunavyoendelea kupambana na changamoto hii, Grand Rapids inaweza kutegemea nguvu yetu: kufanya kazi kwa pamoja. Muda umewadia wa sisi kuchangia kwa kusaidiana, ili kubakia salama na kuokoa maisha.

Ingawa ninajua kuwa ni taabu, ni muhimu tufuate mapendekezo kuhusu kutengana kijamii, kubakia nyumbani ikiwezekana (hasa tunapokuwa wagonjwa), kuepuka maingiliano ya kijamii na kuahirisha safari na ziara zisizobidi. Hizi ni hatua ngumu, lakini zinahitajika.

Kama ulivyosikia, ari yetu sasa ni rahisi: kusaidia kupunguza na kuzuia usambazaji kwenye jamii wa virusi vinavyosababisha COVID-19. Hii inasaidia kuhakikisha kuwa wenyewe uwezekano wa kuathirika zaidi wanabakia salama na kuwa mifumo yetu ya afya inadumisha uwezo wa kuwahudumia wale wanaokuwa wagonjwa. Lau sivo, hata mfumo teule wa afya kama wetu unaweza kuzidiwa.

Waajiriwa wetu mahiri kwenye Jiji wanaendelea kuratibiana na maafisa wa kaunti, jimbo na shirikisho kuhusu mwitiko wetu. Hali hii imethibitisha kuwa ni hali inayobadilika mara kwa mara, na tunendelea kubadili hatua zetu kulingana na mwongozo tunaopewa. Yale ninayoweza kuwaambia ni kuwa Jiji hili limejitolea kufikisha huduma muhimu, maelezo yanayoaminika na uongozi imara bila kujali mwitiko unachukua muda gani.

Hayo yanajumuisha kupangia sasa na kupangia siku za usoni. Tunaelewa uzito madhubuti wa kiuchumi uliowekewa wakaazi na biashara zetu kutokana na tukio hili kwenye kipindi kifupi cha wiki moja tu. Kumekuwa na hatua nzuri za awali kutoka kwa serikali za shirikisho na jimbo za kufikisha faraja kwa walioathirika, na tunashughulika ili kung'amua jukumu gani Jiji letu litakuwa nalo ili kuhakikisha kuwa jamii yetu inanufaika.

Pia tunazingatia miradi na jitihada zetu wenyewe ili kuangalia jinsi zinavyoweza kutumiwa ili kuwasaidia wakaazi wetu si tu wakati wa dharura hii lakini pia baadaye. Tunataka kudumisha upesi wetu wa kukua kiuchumi tuliofikia kwenye mwongo uliopita, na tunataka watu wabakie salama na imara nyumbani na kazini.

Kwa ajili mambo haya yanaangaziwa sana kwenye runinga na mitandao ya kijamii, inaweza kuwa vigumu kufuatilia mambo, au hata pia kujua yale yanayotuhusu sisi hapa nyumbani. Kwenye dharura ya afya kama hii, Idara ya Afya ya Kaunti ya Kent inaongoza kwenye kuratibu maelezo, kwa hivyo ninakuhimiza ujiandikishe ili kupata mafahamisho yao hapa. Ikiwa una maswali kuhusu huduma za Jiji, daima unaweza kupiga simu kwa nambari 3-1-1 ili kupata majibu.

Bila shaka – hali hii ni ngumu. Lakini nina hakika kuwa tutaweza kuhimili changamoto hii. Jichunge. Chunga familia na majirani wako. Hakikisha kuwa unawapatia shukrani wafanyakazi wa huduma za afya na wafanyakazi wengine walioko kwenye safu ya mbele kwenye nyakati hizi. Sidhani kuna jiji lolote lingine lililojitarisha vizuri zaidi kuitikia changamoto hizi kuliko jiji letu.

Kwa dhati,

Rosalynn Bliss